



Broj: 04-02-8920-2/09
Sarajevo, 18.11.2009.godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

23. 11. 2009

Organizaciona jedinica	Klasifikaciona oznaka	Redni broj	Broj priloga
01-50-1-N		63	09

Parlamentarna skupština Bosne i Hercegovine
Predstavnički dom
N/r g-din dr. Milorad Živković, predsjedavajući

Predmet: Odgovor na poslaničko pitanje

Veza: Vaš broj: 01/a-50-1-15-63/09

Poštovani gospodine Živkoviću,

Dopisom od 12.11.2009. godine, broj: 01/a-50-1-15-63/09 od Visokog sudskog i tužilačkog vijeća Bosne i Hercegovine (u daljem tekstu: Vijeće) zatražen je odgovor na pitanje poslanice Azre Hadžiahmetović, postavljeno na 63. sjednici Predstavničkog doma Parlamentarne skupštine Bosne i Hercegovine, koje glasi:

“Koliko ima imenovanih sudija s mandatom koji su navršili starosnu dob propisanu za obavezan odlazak u penziju? Koji su razlozi rukovodili Visoko sudsko i tužilačko vijeće BiH da se opredijeli za imenovanje, odnosno mandat sudija i zašto se ne primjenjuje pravilo o starosnoj dobi za prestanak mandata? Na osnovu čijeg i kakvog dokumenta je Visoko sudsko i tužilačko vijeće BiH cijenilo ispunjavanje prvog uslova za imenovanje sudija da ima psihofizičke sposobnosti?”

Povodom postavljenog pitanja, a na osnovu evidencije kojom raspolaže Vijeće, želimo Vas informisati slijedeće:

U skladu sa relevantnim odredbama Zakona o Visokom sudskom i tužilačkom vijeću BiH (u daljem tekstu: Zakon, „Službeni glasnik BiH“, br. 25/04, 93/05 i 48/07), sudije se imenuju na mandat neograničenog trajanja, s tim što im mandat prestaje u slučaju da navrše starosnu dob propisanu za obavezan odlazak u penziju.

Starosna dob za obavezan odlazak u penziju za sudije i tužioce je navršenih sedamdeset (70) godina života, pa Vijeće, u svakom slučaju, kad sudija ili tužilac navrši starosnu dob za obavezan odlazak u penziju, po službenoj dužnosti, donosi odluku o prekidu mandata.

Međutim, u skladu sa članom 33. Zakona, sudije i tužioci u penziji mogu biti imenovani na mjesto dodatnih sudija do navršene starosne dobi od sedamdeset i dvije (72) godine života.

Prema evidenciji Vijeća, trenutno se nalazi šest (6) sudija koji su navršili starosnu dob od sedamdeset (70) godina život, a koji su u skladu sa članom 33. Zakona, imenovani na pozicije dodatnih sudija, i to dvoje (2) dodatnih sudija imenovanih u Vrhovni sud Republike Srpske i četvoro (4) dodatnih sudija imenovanih u Vrhovni sud Federacije Bosne i Hercegovine.

Prilikom imenovanja navedenih osoba na pozicije dodatnih sudija, Vijeće se prvenstveno rukovodilo radnim iskustvom, stručnim sposobnostima i radnim rezultatima ostvarenim u karijeri, odnosno, isti su od strane Vijeća, ocijenjeni kao najbolji od svih prijavljenih kandidata za navedene pozicije.

U pogledu pitanja koje se odnosi na psihofizičke sposobnosti kandidata koje Vijeće imenuje za sudije odnosno tužioce, prilikom prijave na konkurs raspisan od strane Vijeća, kandidati moraju ispunjavati osnovne uslove propisane članom 21. Zakona, između ostalog i da je kandidat osoba koja je intelektualno i fizički sposobna za obavljanje sudijske ili tužilačke funkcije. Da bi kandidat dokazao da je sposoban za obavljanje sudijske/tužilačke dužnosti, dužan je dostaviti uvjerenje o takvoj sposobnosti (koje nije starije od 12 mjeseci), izdato od nadležne ustanove koja raspolaže takvim stručnim znanjima, a to su svakako odgovarajuće zdravstvene ustanove.

Prilikom imenovanja svih šest navedenih dodatnih sudija, kandidati su dostavili uvjerenje nadležne zdravstvene ustanove da su intelektualno i zdravstveno sposobni za obavljanje sudijske funkcije, što je Vijeće prihvatilo kao validan dokaz o ispunjavanju navedenog zakonskog uslova.

Nadamo se da izložene informacije pružaju potpun odgovor na postavljeno pitanje gospođe Azre Hadžiahmetović.

S poštovanjem,



Predsjednik

Milorad Novković
Milorad Novković